



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-369

01/05/2019

ქ. თბილისი

ბოლნისის მუნიციპალიტეტში სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვებაზე სკრინინგის გადაწყვეტილების შესახებ

სსიპ „წიაღის ეროვნული სააგენტოს“ მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია ბოლნისის მუნიციპალიტეტში სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვების სკრინინგის განცხადება.

დაგეგმილი საქმიანობა ითვალისწინებს ბოლნისის მუნიციპალიტეტში, სოფელ ქვემო ბოლნისში მიწისქვეშა მტკნარი წყლის მოპოვებას. წიაღისეულის სასარგებლო ობიექტის რაოდენობა შეადგენს 3 სალიცენზიო და 1 სათვალთვალო ჭაბურღილს. ობიექტების კოორდინატებია: N1- X-462332,162; Y-4583098,644; N2-X-462381,919; Y-4582990,948; N3-X-462471,670; Y-4583046,426; N4-X-462429,477; Y-4583019,841; ჭაბურღილები მდებარეობს ვაკე რელიეფის მქონე ტერიტორიაზე, მდ. ბოლნისისწყლის (ფოლადაური) მაცხენა ჭალისზედა ტერასაზე. საპროექტო ტერიტორიიდან უახლოესი დასახლებული პუნქტი დაშორებულია 180 მეტრით. მანძილი უახლოესი საავტომობილო გზიდან 15 მეტრს შეადგენს.

წარმოდგენილი დოკუმენტაციის თანახმად, მოსაპოვებელი სასარგებლო წიაღისეულის მოცულობა ჯამში შეადგენს: 1 898 000 მ³-ს წელიწადში; საექსპლუატაციო მარაგი დამტკიცებული არ არის და იგი წარმოდგენილია P(პროგნოზული) კატეგორიით.

სკრინინგის განცხადების თანახმად, არტეზიული ჭაბურღილების წყლის შესწავლამ აჩვენა, რომ იგი ქიმიური შედგენილობით ჰიდროკარბონატულ-სულფატურ-კალციუმიანია, იშვიათად სულფატურ-ჰიდროკარბონატულ-კალციუმიან-მაგნიუმიანი ტიპისაა. საერთო მინერალიზაცია 0.5-0.9გ/ლ-მდე. ბაქტერიოლოგიური და ფიზიკური შემადგენლობა ასევე სანიტარული მდგომარეობა დამაკმაყოფილებელია. წყლის გამოყენება შესაძლებელია სამეწარმეო დანიშნულებით. წყლის ტემპერატურა 12-17 °C-ია.

სალიცენზიო ობიექტები არსებულია, მაგრამ ოთხივე ჭაბურღილი საჭიროებს თავმორთულობების მოწყობას, დამატებით ასევე ტერიტორიის დასუფთავებას და ჭაბურღილების მიმდებარედ 1 მეტრის რადიუსით დაბეტონებას და შემოღობვას.

საინჟინრო გეოლოგიური პირობების სირთულის მიხედვით ტერიტორია მიეკუთვნება I (მარტივ) კატეგორიას. წიაღისეულის ობიექტების ტერიტორიის გეოდინამიკური სიტუაცია სტაბილურია და ექსპლუატაციის პროცესში გართულებები მოსალოდნელი არ არის.

აღნიშნული მიწისქვეშა მტკნარი წყლის ჭაბურღილები წარმოადგენს არსებულ ობიექტს, ხოლო მიმდებარე ტერიტორიაზე სხვა პოტენციური დაბინძურების წყარო არ არსებობს, შესაბამისად კუმულაციური ზემოქმედება მოსალოდნელი არ არის.

ჭაბურღილის მიწისზედა ინფრასტრუქტურის (ჭაბურღილის თავმორთულობა, ჭაბურღილების მიმდებარედ 1 მეტრის რადიუსით დაბეტონება და შემოღობვა) რეაბილიტაციის ეტაპზე ადგილი ექნება მცირე რაოდენობით ნარჩენების წარმოქმნას, თუმცა ჩასატარებელი სამუშაოების მოცულობის და ნარჩენების რაოდენობის გათვალისწინებით ზემოქმედება არ იქნება მნიშვნელოვანი. ასევე, საქმიანობის განხორციელების პროცესში ხმაურის წარმოქმნას ადგილი არ ექნება. რადგანაც ტერიტორია წარმოადგენს უკვე ათვისებულს, გამომდინარე აქედან ნიადაგის ნაყოფიერ ფენაზე მნიშვნელოვანი ზემოქმედება მოსალოდნელი არ არის. ასევე, საქმიანობის განხორციელების პროცესში ხმაურის წარმოქმნას ადგილი არ ექნება.

საქმიანობა არ არის დაგეგმილი ტყით მჭიდროდ დაფარულ ტერიტორიასთან. ვიზუალური შეფასებით საპროექტო ტერიტორიაზე არ ფიქსირდება კულტურული მემკვიდრეობის ძეგლი.

სკრინინგის განცხადების მიხედვით დგინდება, რომ დაგეგმილი საქმიანობა გარემოზე მნიშვნელოვან ზემოქმედებას არ გამოიწვევს და შესაბამისად არ ექვემდებარება გარემოზე ზემოქმედების შეფასებას.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-3 და მე-6 ნაწილების საფუძველზე

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ სსიპ „წიაღის ეროვნული სააგენტოს“ მიერ წარმოდგენილი ბოლნისის მუნიციპალიტეტში სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ „წიაღის ეროვნული სააგენტოს“;

4. ბრძანება ძალაში შევიდეს სსიპ „წიადის ეროვნული სააგენტოს“ მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და ბოლნისის მუნიციპალიტეტის აღმასრულებელი ორგანოს ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი